

Dabhcha Séarachais

Ceist 1

Beidh tú ag féachaint ar ball ar thuairisc faoi dhabhcha séarachais agus a dtionchar ar an timpeallacht. Sula bhféachann tú ar an mír, déan na ceistanna thíos a phlé.

- An bhfuil truailliú ag tarlú i do cheantar féin?
- An bhfuil obair le déanamh ar na dabhcha séarachais sa bhaile agat?
- An seift í seo ag an rialtas le tuilleadh cánach a bhailiú, dar leat?

Ceist 2

Gan féachaint ar an mír go fóill déan iarracht an Ghaeilge a aimsiú do na focail seo a leanas. Cuir do chuid freagraí i gcomparáid le freagraí an duine in aice leat. Ansin éist leis an mír agus féach an raibh an ceart agaibh.

Septic Tanks	_____
Pollution	_____
Guidelines	_____
European Union	_____
To fulfill	_____
Standard	_____
Owner	_____
To register	_____
Inspectors	_____
Refurbishment	_____
Fee	_____
Faulty	_____
Engineer	_____
Research	_____
Agency	_____
Environmental Protection	_____

Ceist 3

Anois féach ar an mír den chéad uair agus déan iarracht achoimre ghairid a scríobh le príomhphointí an scéil a léiriú. Cuir do chuid oibre i gcomparáid leis an duine in aice leat.

Ceist 4

(a) *'ag breathnú air...'*

Cén ghné den ghramadach atá i gceist le *'ag breathnú'* thuas?
Déan iarracht an fhoirm chéanna a aimsiú do na briathra seo a leanas.

Téigh	_____
Faigh	_____
Ceannaigh	_____
Taistil	_____
Lig	_____
Buail	_____
Bris	_____
Mol	_____
Abair	_____
Athraigh	_____

(b) Anois, déan iarracht samplaí de na gnéithe gramadaí thíos a aimsiú sa mhír:

Deir an ghníomhaireacht um Chaomhnú Comhshaoil gurb iad atá ceaptha le plean náisiúnta a chur i dtoll a chéile faoi scrúduithe a bheidh le déanamh ar dhabhcha séarachais ach nach mbeidh siad ag rá tada faoi seo go dtí deireadh na bliana. Faoi láthair tá an ghníomhaireacht ag cur clár le chéile faoi na ceantair is mó a cheaptar atá i mbaol truailithe.

Aidiacht Bhriathartha	_____
Saorbhriathar	_____
Lagiolra sa tuiseal ainmneach	_____
Ainm briathartha	_____
Briathar san aimsir láithreach	_____

Ceist 5 Luaitear roinnt áiteanna agus láithreacha cáiliúla ar nós '*ceantar na Sionainne agus na Coiribe*'. Déan iarracht Gaeilge a chur ar na téarmaí tíreolaíochta thíos.

The West of Ireland	_____
The Pale	_____
The Slaney	_____
Carrauntuohill	_____
The Giant's Causeway	_____
The North Channel	_____
Hill of Tara	_____
The Twelve Pins	_____

Ceist 6 Pléigh an ráiteas thíos i ngrúpa nó mar ábhar díospóireachta

'Tá Éire i ngreim ag an Eoraip'

Treoracha agus Freagraí

Ceist 1 Is féidir gach beirt a chur ag plé na gceisteanna nó iad a chur ag obair i ngrúpaí de thriúr nó de cheathrar.

Ceist 2	Septic Tanks	<u>Dabhcha Séarachais</u>
	Pollution	<u>Truailliú</u>
	Guidelines	<u>Treoirlínte</u>
	European Union	<u>An tAontas Eorpach</u>
	To fulfill	<u>a chomhlíonadh</u>
	Standard	<u>Caighdeán</u>
	Owner	<u>Uinéir</u>
	To register	<u>Clárú</u>
	Inspectors	<u>Cigirí</u>
	Refurbishment	<u>Athchóiriú</u>
	Fee	<u>Táille</u>
	Faulty	<u>Lochtach</u>
	Engineer	<u>Innealtóir</u>
	Research	<u>Taighde</u>
	Agency	<u>Gníomhaireacht</u>
	Environmental Protection	<u>Caomhnú Comhshaoil</u>

Ceist 3 Ní mór don dalta achoimre ghairid a scríobh lena thuiscint ar phríomhphointí na míre a léiriú.

Ceist 4 (a) An t-ainm briathartha atá i gceist le ‘ag breathnú’

Téigh	<u>Dul</u>
Faigh	<u>Fáil</u>
Ceannaigh	<u>Ceannach</u>
Taistil	<u>Taisteal</u>
Lig	<u>Ligean</u>
Buail	<u>Bualadh</u>
Bris	<u>Briseadh</u>
Mol	<u>Moladh</u>
Abair	<u>Rá</u>
Athraigh	<u>Athrú</u>

(b)

Aidiacht Bhriathartha	<u>Ceaptha</u>
Saorbhriathar	<u>Ceaptar</u>
Lagiolra sa tuiséal ainmneach	<u>Ceantair</u>
Ainm briathartha	<u>Ag cur</u>
	<u>Ag rá</u>
Briathar san aimsir láithreach	<u>Deir</u>
	<u>Tá</u>

Ceist 5	The West of Ireland	<u>Iarthar na hÉireann</u>
	The Pale	<u>An Pháil</u>
	The Slaney	<u>An tSláine</u>
	Carrauntuohill	<u>Corrán Tuathail</u>
	The Giant's Causeway	<u>Clochán an Aifir</u>
	The North Channel	<u>Sruth na Maoile</u>
	Hill of Tara	<u>Teamhair</u>
	The Twelve Pins	<u>Na Beanna Beola</u>

Ceist 6 Is féidir an rún seo a phlé i bhfoirm díospóireachta nó i ngrúpaí beaga má bhíonn go leor ama ann.

Maolra Mac Donnchadha

Dabhcha séarachais i gceantair a cheaptar an córas uisce a bheith á thruailliú, is tuisce a dhéanfar scrúdú orthu an bhliain seo chugainn. Sin de réir phlean an rialtais, leis na treoirlínte ar chaighdeán uisce agus dabhcha séarachais ón Aontas Eorpach a chomhlíonadh. Beidh ar úinéir an tí an dabhach a chlárú roimh dheireadh na bliana.

Máire Treasa Ní Cheallaigh

Inniu tugadh le fios go mbeidh cigirí ag díriú ar dhabhcha séarachais a cheaptar atá ag cur córais thábhachtacha uisce¹ ar fud na tíre i mbaol, cosúil le ceantar na Sionainne agus na Coiribe. Má cheaptar nach bhfuil na dabhcha ag obair i gceart beidh ar úinéirí athchóiriú a dhéanamh orthu. Meastar go gcosnóidh an obair seo cúig mhíle euro ar a laghad. Is i 1972 a fuair Seán Craven cead pleanála dá theach atá lonnaithe ar bhruach na Coiribe i nGaillimh. Tá sé ag diúltú aon táille a íoc.

Seán Craven

Seo bealach eile ag an rialtas le tuilleadh cánach² a chur ar na daoine. Ó lean mé chuile riail agus fuair daoine go leor pleanála ó shin, agus tá siad ag íoc airgead mór do na seirbhísí ar cheart a bheith againn.

Tá sé ráite go bhféadfaí fineáil suas le cúig mhíle euro agus trí mhí príosúin a ghearradh ar úinéirí na ndabhcha lochtacha³. Ceaptar go bhfuil suas le céad seasca cúig míle dabhach sa tír nach bhfuil ag obair i gceart. Is innealtóir é Pádraig Ó Coirbín a bhfuil go leor taighde déanta aige ar chórais séarachais.

Pádraig Ó Coirbín

Formhór de na tithe seo ní raibh an t-eolas le fáil ó thaobh córais séarachais agus rudaí mar sin, ní thabharfainn de mhilleán dóibh, muintir na dtithe⁴ féin, agus ag breathnú air ó thaobh na hinnealtóireachta⁵ agus ó thaobh na timpeallachta de⁶, níl aon dabht i m'intinnse agus tá sé feicthe anois agam le roinnt blianta anuas go bhfuil truailliú ag tarlú ó na córais séarachais seo.

Máire Treasa Ní Cheallaigh

Deir an ghníomhaireacht um Chaomhnú Comhshaoil gurb iad atá ceaptha le plean náisiúnta a chur i dtoll a chéile faoi scrúduithe a bheidh le déanamh ar dhabhcha séarachais ach nach mbeidh siad ag rá tada faoi seo go dtí deireadh na bliana. Faoi láthair tá an ghníomhaireacht ag cur le chéile clár faoi na ceantair⁷ is mó a cheaptar atá i mbaol truaillithe.

Máire Treasa Ní Cheallaigh, Nuacht TG4

¹ ag cur córais uiscí thábhachtacha a deirtear

² cáin a deirtear

³ na dabhcha a deirtear (gin. iolra i gceist)

⁴ na tithe a deirtear

⁵ Ní bhaintear úsáid as an tuiséal ginideach anseo

⁶ Féach fonóta 5

⁷ ‘Ceantracha’ a deirtear. Is leagan canúnach é seo den iolra ‘ceantair’.